

BASES CONCURSO “PINCHA NO LÁZARO”

O Concello de Verín, a través da Concellería de Feiras, convoca por segundo ano consecutivo o Concurso “Pincha no Lázaro” que terá lugar os días 3, 4 e 5 de abril coincidindo coas festas do Lázaro 2025, de acordo coas seguintes bases:

Artigo 1.- Participantes

Poderán participar no concurso calquer local ou establecemento hostaleiro de Verín, independentemente da súa calificación ou categoría

Artigo 2.- Inscricións

Para inscribirse os establecementos deberán enviar un correo electrónico a omic@verin.gal ou ben entregar na oficina da Omic, (Casa da Xuventude), os seguintes datos: nome e dirección do establecemento, nome e apelidos e teléfono do/a xerente, fotografía do pincho a concurso, ingredientes do pincho e un nome para o mesmo.

A participación dos xerentes autorizan á organización a publicación dos pinchos presentados nos medios ou redes sociais que considere oportuno.

A data límite para a inscrición será o día 12 de marzo ata ás 20:00 horas.

Artigo 3.- Datras de celebración

O concurso “Pincha no Lázaro”, celebrarase os días 3, 4 e 5 de abril de 2025. Os horarios serán os propios do establecemento, se ben se terá que garantir que durante os días de celebración do concurso, os pinchos presentados no certame, deberán estar a disposición da clientela.

Artigo 4.- Técnica de elaboración

Cada establecemento poderá presentar ao concurso un único pincho, independentemente sexa frío ou quente.

Será obrigatorio e de especial atención que todos os pinchos vaian acompañados co listado de alimentos utilizados para así evitar problemas coas persoas que poidan ter alerxia/intolerancia a calquera dos alimentos.

Artigo 5.- Prezo do pincho

O prezo do pincho será de 2,50€. Aqueles establecementos que sobrepasen ou reduzan este prezo quedarán automaticamente descalificados

Artigo 6.- Xurado

XURADO TÉCNICO. Os membros do xurado acudirán por todos os establecementos participantes, discretamente e sen identificar e probarán e calificarán todos os pinchos ao concurso . A media obtida das súas puntuacións dará lugar a ranking e clasificación dos participantes. Os criterios de valoración serán os seguintes:

- sabor (1 ao 5)
- presentación (1 ao 5)
- dificultade na elaboración (1 ao 5)

XURADO POPULAR. Cada establecemento participante contará con papeletas que entregarán ao público que consuma dito pincho. O público poderá indicar na papeleta co seu voto (do 1 ao 5) a valoración do pincho, ademais de nome e apelidos, número de teléfono e nome do restaurante e depositala nun buzón que terán a disposición todos os establecementos participantes durante os días 3, 4 e 5 de abril.

Artigo 7.- Gañadores e premio

Unha vez pechado o concurso, as urnas serán retiradas por operarios municipais entre o sábado e o domingo pola mañá.

As decisións do xurado serán motivadas e inapelables. O recuento das papeletas realizarase o domingo 6 de abril, levantado acta que recollerá o fallo do concurso, que será inapelable. O veredicto do xurado popular, farase público nun acto que terá lugar ese mesmo día no stand do Concello de Verín da feira do Lázaro ás 19:00 horas e se concretará con cada premiado a entrega do premio chamando por teléfono, se non se encontrase nese momento na feira. Igualmente daranse a coñecer os establecementos gañadores dos pinchos por criterios (sabor, presentación e dificultade na elaboración).

Entre todos os votos depositados a concellería de Feiras do Concello de Verín, outorgará varios premios aos clientes; un primer premio dun bono de 100€ para gastar en calquera dos establecementos da hostalaría que participaron no segundo concurso “Pincha no Lázaro” de Verín, un segundo premio dun xamón e un terceiro premio dunha cesta de produtos da comarca.

O establecemento gañador recibirá un diploma acreditativo de ser campións do segundo concurso gastronómico do Lázaro polo xurado popular e diplomas ao mellor sabor do pincho, mellor presentación e outro pola dificultade na elaboración, polo xurado técnico.

Artigo 8.- Aceptación das bases e protección de datos de carácter persoal.

A mera participación no Concurso implica a aceptación total e incondicionada das bases e da interpretación que das mesmas se leve a cabo da organización e a conformidade co fallo do xurado.

A participación no concurso implica a total aceptación das presentes bases e da decisión irrevogable do xurado. Calquera cuestión que xurdira non prevista nestas bases será resolta pola organización e terá que ser obrigatoriamente aceptada polos participantes. Ademais, a organización resérvase o dereito de modificación de calquera das presentes bases se así e o considera.

En virtude da Lei Orgánica 3/2018 de 5 de decembro, de Protección de Datos Persoais e garantía dos dereitos dixitais, os datos persoais solicitados serán incorporados a un ficheiro propiedade do Concello de Verín.

Os interesados/as poderán exercer, nos caso que procedan, seus dereitos de acceso, rectificación, cancelación e oposición, dirixíndose por escrito ao Rexistro Xeral do Concello de Verín.

O Concello reservase a posibilidade de deixar o premio deserto ou anular a convocatoria se non hai resposta acorde á finalidade do concurso.